

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA

**- Komisija za raspisivanje i provođenje konkursne procedure izbora kandidata za imenovanje Upravnog odbora JU Predškolski odgoj i obrazovanje Zenica -**

Zenica, 03.03.2025. godine

Na osnovu odredaba člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), odredbe člana 39. stav (3) Zakona o predškolskom odgoju i obrazovanju („Službene novine ZDK“, broj: 7/10 i 8/12), a u vezi sa odredbama člana 47a Pravila JU Predškolski odgoj i obrazovanje Zenica broj: 06-0602-129/1-2011 od 31.03.2011. godine, broj: 06-0602-601/1-2021 od 07.06.2021. godine i broj: 06-0602-1211/1-24 od 27.12.2024. godine, Komisija za raspisivanje i provođenje konkursne procedure izbora kandidata za imenovanje Upravnog odbora JU Predškolski odgoj i obrazovanje Zenica (u daljem tekstu: **Komisija**) objavljuje sljedeće

**Poništenje i ponovno objavljivanje Javnog konkursa za izbor i imenovanje Upravnog odbora JU Predškolski odgoj i obrazovanje Zenica**

Poništava se Javni konkurs za izbor i imenovanje Upravnog odbora JU Predškolski odgoj i obrazovanje Zenica od 28.01.2025. godine, objavljen u „Službenim novinama FBiH“ – Oglasni dio broj: 7/25, Dnevnom listu „Oslobođenje“ od 31.01.2025. godine i na službenoj internet stranici Grada Zenica „www.zenica.ba“ dana 31.01.2025. godine te se istovremeno sa poništenjem ponovno objavljuje Javni konkurs za izbor i imenovanje Upravnog odbora JU Predškolski odgoj i obrazovanje Zenica.

Javni konkurs se poništava zbog uočenog formalnopravnog nedostataka u dijelu iz sadržaja istog konkursa koji se odnosi na prijave kandidata ispred Vijeća roditelja JU Predškolski odgoj i obrazovanje Zenica, a koji se ogleda u propustu da navedeni kandidati odgovarajućom potvrdom JU Predškolski odgoj i obrazovanje Zenica dokažu da su članovi Vijeća roditelja.

Kandidati koji su predali svoje prijave na poništeni javni konkurs iste prijave mogu preuzeti u prostorijama Gradske uprave Grada Zenica, na adresi u ulici Trg BiH broj 6, tzv. Nova zgrada Gradske uprave Zenica, sprat V, kancelarija broj 537 i to svakim radnim danom u vremenu od 07:30-16:00 sati, uz prethodnu telefonsku najavu na kontakt broj telefona: 032/447-673 ili 032/447-678.

Imajući u vidu naprijed navedeno, Komisija u postupku izbora i imenovanja Upravnog odbora JU Predškolski odgoj i obrazovanje Zenica ponovno **objavljuje sljedeći:**

## **JAVNI KONKURS**

Objavljuje se Javni konkurs za izbor i imenovanje Upravnog odbora JU Predškolski odgoj i obrazovanje Zenica (u daljem tekstu: **Upravni odbor**).

Upravni odbor sastoji se od tri člana, od kojih se jedan član imenuje iz reda Grada Zenica kao osnivača predškolske ustanove, jedan član iz reda Vijeća roditelja pri predškolskoj ustanovi te jedan član iz reda stručnog kadra predškolske ustanove.

Mandat članova Upravnog odbora je četiri godine, sa mogućnošću još jednog reizbora.

### **I OPIS POZICIJA**

Osim poslova utvrđenih zakonom i Pravilima JU Predškolski odgoj i obrazovanje Zenica, Upravni odbor obavlja i sljedeće poslove: razmatra plan upisa djece, razmatra rezultate predškolskog odgoja i obrazovanja, odlučuje o prigovorima roditelja na rad i odnos zaposlenih radnika prema djeci te na rad odgajatelja i stručnih saradnika, donosi pravila predškolske ustanove, imenuje i razrješava direktora predškolske ustanove, vrši izbor pomoćnika direktora predškolske ustanove, objavljuje konkurs za izbor odgajatelja i stručnih saradnika, odlučuje o žalbama po konkursu, odlučuje o prestanku prava odgajatelja i stručnih saradnika na daljnji odgojno obrazovni rad, usvaja godišnji program rada predškolske ustanove, razmatra i usvaja izvještaj o realizaciji godišnjeg programa rada predškolske ustanove, podnosi izvještaj o radu predškolske ustanove Osnivaču, prati uspjeh djece i poduzima mjere za unapređivanje uvjeta rada u predškolskoj ustanovi i poboljšanja odgojno-obrazovnog rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji radnih mjesta i druge opće akte u skladu sa zakonom i pravilima predškolske ustanove, odlučuje o prigovorima odgajatelja i stručnih saradnika na ocjenu o radu, razmatra prijedloge odluka i preporuke upućene Upravnom odboru i poduzima odgovarajuće mjere, usmjerava i kontroliše rad direktora predškolske ustanove, rješava određena pitanja odnosa sa Osnivačem, donosi svoj program rada, podnosi izvještaj o svom radu Osnivaču, odlučuje o korištenju sredstava preko iznosa određenog pravilima predškolske ustanove, odlučuje o žalbama i prigovorima zaposlenih u predškolskoj ustanovi te njihovim pravima, obavezama i odgovornostima iz radnih odnosa.

Svi prijavljeni kandidati za imenovanje u Upravni odbor moraju ispunjavati opće i posebne uslove tražene ovim javnim konkursom.

### **II OPĆI USLOVI**

Svaki kandidat mora ispunjavati sljedeće opće uslove:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije objavljivanja upražnjene pozicije,
4. da kandidat pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nema privatni finansijski interes u javnoj ustanovi za čiji se upravni odbor kandiduje,

7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije Bosne i Hercegovine („Službene novine FBiH“, broj: 70/08),
8. da nije član ni u jednom upravnom ili nadzornom odboru ustanove, odnosno privrednog društva sa većinskim državnim kapitalom te da nije član odbora za reviziju,
9. da nije direktor ustanove,
10. da nije osuđivan za krivično djelo,
11. da nije pravosnažnim rješenjem kažnjavao za prekršaje nespojive sa dužnostima u upravnom odboru niti da mu je izrečena zaštitna mjera zabrane obavljanja aktivnosti u nadležnosti upravnog odbora u posljednjih pet godina od dana pravosnažnosti rješenja i
12. da nije stariji od 70 godina na dan imenovanja.

### III POSEBNI USLOVI

Svaki kandidat mora ispunjavati sljedeće posebne uslove:

1. da posjeduje VSS – VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
2. da je navršio najmanje tri godine radnog iskustva u struci nakon sticanja visoke stručne spreme,
3. da posjeduje sposobnost za savjesno, odgovorno i odlučno obavljanje upražnjenije pozicije,
4. sposobnost nepristrasnog donošenja odluka,
5. komunikacijske i organizacijske sposobnosti,
6. sposobnost tumačenja propisa iz djelatnosti organa za kojeg se kandiduje na upražnjenju poziciju,
7. rezultate rada ostvarene tokom poslovne karijere i
8. preporuke ranijih neposrednih rukovodilaca.

### IV POTREBNI DOKUMENTI

Svojeručno potpisana prijava kandidata mora sadržavati kraću biografiju, adresu i kontakt broj telefona.

Uz potpisanu prijavu potrebno je dostaviti sljedeće:

1. diplomu o stečenom obrazovanju,
2. dokaz o traženom radnom iskustvu nakon sticanja tražene stručne spreme (potvrda uvidom u koju se može jasno i nesporno utvrditi radno mjesto, tražena stručna sprema za isto radno mjesto i dužina radnog iskustva),
3. uvjerenje o državljanstvu, koje ne može biti starije od šest mjeseci i
4. ovjerene izjave kandidata o činjenicama navedenim u tačkama od 3. do 9. Općih uslova Javnog konkursa (sve izjave mogu biti tekstualno sadržane na jednom ovjerenom listu i ne smiju biti starije od datuma objave ovog javnog konkursa).

Uvjerenja kojima se dokazuje ispunjenost Općih uslova iz tačke 10. i 11. odgovorni javni službenik zatražit će od kandidata koji budu predloženi za konačno imenovanje.

**NAPOMENA: Kandidati za poziciju člana Upravnog odbora iz reda Vijeća roditelja dužni su uz prijavu na ovaj javni konkurs, osim naprijed navedene dokumentacije, dostaviti i potvrdu JU Predškolski odgoj i obrazovanje Zenica kojom dokazuju da su korisnici usluga iste javne ustanove.**

Kandidati koji budu izabrani dužni su uvjerenja iz tačke 10. i 11. Općih uslova ovog javnog konkursa dostaviti u roku od pet dana od dana izbora i ista ne smiju biti starija od datuma objavljivanja ovog javnog konkursa.

Dokumenti koji se prilažu na ovaj javni konkurs moraju biti u originalnim primjercima ili u ovjerenim fotokopijama.

**Kandidati su dužni i u prijavi i na koverti naznačiti da li se prijavljuju iz reda Osnivača, Vijeća roditelja ili stručnog kadra predškolske ustanove.**

Ovaj javni konkurs ostaje otvoren 15 dana od dana posljednjeg objavljivanja, a isti će biti objavljen u „Službenim novinama FBiH“, dnevnom listu „Oslobođenje“ i na zvaničnoj internet stranici Grada Zenica: „www.zenica.ba“.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove ovog javnog konkursa bit će telefonski i pismeno obaviješteni o mjestu i vremenu obavljanja intervjua.

Prijavu na ovaj javni konkurs sa svim traženim dokumentima neophodno je dostaviti lično ili preporučenom poštanskom pošiljkom na sljedeću adresu:

**GRAD ZENICA**

**Komisija za raspisivanje i provođenje konkursne procedure izbora kandidata za imenovanje Upravnog odbora JU predškolski odgoj i obrazovanje Zenica**

**Ulica Trg Bosne i Hercegovine broj 6**

**72 000 Zenica**

**sa naznakom: „Prijava na Javni konkurs za izbor i imenovanje Upravnog odbora JU Predškolski odgoj i obrazovanje Zenica – NE OTVARATI“**

Komisija za raspisivanje i provođenje  
konkursne procedure izbora kandidata  
za imenovanje Upravnog odbora JU  
Predškolski odgoj i obrazovanje Zenica